



KEMENTERIAN KERJA RAYA
MALAYSIA

KENYATAAN MEDIA

PROJEK MENAIKTARAF JALAN MUAR-TANGKAK-SEGAMAT, JOHOR (FASA 1: SEGAMAT-TANGKAK) PAKEJ 3

Johor – Pelaksanaan Projek menaik taraf Jalan Muar-Tangkak-Segamat, Johor (Fasa 1: Segamat-Tangkak) Pakej 3 telah diluluskan dibawah Rancangan Malaysia Kesebelas (RMKe-11) bagi Negeri Johor. Pembinaan projek tersebut adalah kesinambungan Pakej 1B dan 2 yang telah siap yang mana merupakan salah satu projek infrastruktur utama Kementerian Kerja Raya. Pembinaan projek ini telah dimulakan pada 1 September 2016 dan dijangka siap mengikut jadual pada 31 Ogos 2019. Pelaksanaan projek ini melibatkan kos pembinaan berjumlah RM134,629,116.00 dengan jarak sepanjang 10.5km bermula dari Jementah hingga persimpangan sebelum jalan masuk ke Air Terjun Gunung Ledang.

Projek ini dilaksanakan oleh kontraktor tempatan iaitu Bina Mekar Sdn. Bhd, manakala pihak perunding yang telah dilantik adalah SCG Consultant Sdn. Bhd. Pihak kontraktor dan perunding adalah dibawah seliaan dan pemantauan Pegawai Penguasa (SO) Pengarah Jabatan Kerja Raya Negeri Johor. Skop pembinaan projek ini meliputi kerja pelebaran jalan daripada 2 lorong sedia ada dinaiktaraf kepada 4 lorong. Ia bertujuan menampung peningkatan jumlah kenderaan dan kegiatan ekonomi di kawasan luar bandar.

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my

Dengan adanya projek ini akan meningkatkan lagi kerancakan ekonomi kawasan sekitar. Contohnya daerah Tangkak terdapat banyak tempat makan menarik yang kerap menjadi tumpuan antaranya penggemar ikan patin Durian Chondong yang terletak di kawasan pendalaman dan tepi sungai, restoran Asam Pedas Tangkak yang terletak di perhentian bas dan teksi Tangkak serta pelbagai lagi. Sektor tekstail juga berkembang maju apabila baanyak kedai-kedai menjual kain di bandar ini. Bandar Tangkak juga berhampiran dengan tempat pelancongan iaitu berkaitan dengan mitos sejarah iaitu Puteri Gunung Ledang dan tempat pelancongan tersebut ialah Air Terjun Gunung Ledang. Gunung Ledang merupakan gunung tertinggi di Johor. Penduduk sekitar Tangkak yang dianggarkan seramai 136, 852 akan mendapat manfaat daripada projek pembangunan ini. Apabila jalan baru dibuka kelak ia akan menjadi laluan utama menghubungkan Segamat ke Tangkak dan ini dapat meningkatkan kegiatan ekonomi di kawasan tersebut.

KEMENTERIAN KERJA RAYA

9 MEI 2017

Dikeluarkan oleh:

Unit Komunikasi Korporat | Kementerian Kerja Raya Malaysia

☎ : 03- 8000 8000 / D.L :03-2771 4616 / 4627 | 📠 : 03-2711 1101

Laman Web : www.kkr.gov.my |  Kementerian Kerja Raya |  @MOWorks |  Pro@kk.gov.my